

Hellije Bejstand

Die Hellije em Hemmel all
send für os Mensche ideal.
Se send bemöht, wänn bej Beschwerde
se van os aajeroofe werde,
on stont dann promp bej allelei
Jelääjcheete jäç os bej.
Me moß se mä e beßje ööve
on an hön Fähischkeete jlööve.
Se dont os vür Quälqoch ¹ beschötze,
on bej Moläste ongestötze,
sisch Handwerksmeester on Jesälle
als Schotz-Lüü zo Verföjung ställe,
on och Vereine on Pfarreje
van qvve fachjeräet betröjje,
han övve Kiręsch on Pasterat
als hellije Schotz et Patronat.

Wäm ens jet wihdeet, dä kann emme
ene Hellije en Aasproch nämme
on weeß us Hellije-Lejände ²,
a wäm me sisch bej wat moß wände.
Et hät sisch nämlisch onscheniert
faß jede spezialisiert.
Su kännt dä Hellije Blasius
sisch joot bej Halsbeschwerde us.
A däm dq könne sisch Pazjante
vertrouensvoll fü Hölep dann wände.
Et losse Jläubije sujaa
jenau am drejde Februaa
- fü dat mä kott ens ze erwähne -
van däm sisch och dr Hals nauch sääne,
damet, su dänke die naiv,
em Strauß ³ keen Föischjrqqn ⁴ stääsche blief.

Dä Sään ⁵ jeet qhne völl Jedöons
on eß och völlisch ömmesönz.
Dat heesch op Dütsch: keen Krankekaß
wid met e Honorar belaß ⁶!

¹ Mühsal ² Heiligenlegenden ³ Speiseröhre ⁴ Fischgräte ⁵ Segen
⁶ belastet

Et Hellijs Apollonia
dat rooffe se bej Zangpeng aa
on hoffe dann, dat Plön ¹ die Peng
döröp e beßje meldere dööng.
Hät me sisch ens janz fies verbrank
am Köpp, am Buch of a de Hank,
dann fröoch me bej Lauränzjus aan,
of-e die Brankwong ¹ heele kann.
Dä eß, su hamme ens vernomme,
janz qualvoll öm et Lääve komme:
Se han däm op ene Jrill jelaat
on ongedronge Füür jemaat.

Wämme dr Fengereng vermeß,
of senge Brell am sööke eß,
säks Rischtije hät on möndaachs dann
dr Lottoscheng net fenge kann,
on hät me sonß nauch jet verkrööß ²
eß op Antonius Verlöß.
Me wänd sisch hoffnungsvoll dann aa
Antonius van Padua.
Met senge Bejstand wid jelenge,
dat sisch die Saache wißfenge.
En Bärschroth eß-e intensiv
och nauch als Schotzpatruun aktiv,
betröit de Pfarrkirsch on speziäll
seng kleen Antoniuskapäll.
Dä Hellijs van Padua
hät en de Kirsche mißsch sujaa
fü sisch ene eejene Altar
met janz völl Käezhalter draa.
En Käez ze spände eß die bäste
Jewähr für Hölep bej kleen Moläste.
Dauch net, dat eene döröm meent,
dat Hellijs bestääschlich send!

Bej Cholera on och bej Päß ³
send fröhje zuständisch jewäß
Sank Rochus on Sebastian.
Die Plöoch ⁴ wor ävve irjendwann
vrbej dürsch hellijs Bejstand, on
dö hode se nüüß mi ze donn.

¹ Apollonia ² verlegen ³ Pest ⁴ Plage

Hü helt sisch jede van die Zwei
bej os en eeje Schötzerrej.
Me rööf se net mi bej Moläste.
Die fiere mä nauch Schötzeväste.

En jede Pfarrkirēsch wik on breet
die eß vam Bischof enjewejht
on hät van Wißwiele bes Luhn
ene Hellije als Schotzpatruun.
En Haasterqth eß die Jemeend
met Wendelinus joot bedeent.
En Nutbäreşch met de Piljerschare
hät dat Cäcilia et Saare.
Et schötzt net mä die Bärjer ¹ Frömme,
nee, och die, die van uswäets komme.

Os Stadt hät lang at sujaa zwei
Patruune fü de Hauppfarrej.
Dat eß Apqstel Peterus
met Paulus, senge Sozius.

Vereine on Beroofsständ nötze
die Hellije, dat se se beschötze.
Se hälepe Ehepaar zo Kenge
on Mädschere am Mann ze brenge.
Su brassele Hellije qhne Raaß
on send weeß Jqtt joot usjelaß.
Et bruch völl Ömsisch ² emme wię,
fü alles op de Rej ³ ze kriije.

Sank Nikolaus deet net mä Kenge
als Hellije Mann Jeschänke brenge.
Dä schötzt och Scheffe on Matruuse
bej Wenk on Wäę om Meer dq drusse,
on och de Koof-Lüü op hön Rees,
weil reese jq jefielisch eß.

¹ Nothberger ² Umsicht ³ auf die Reihe

Et Hellije Sank Barbara
dat strängk sisch janz jewaltisch aa.
Deep onge Daach on övve Daach
als Schotzpatruunin et bewach
zivile Bäreşchlüü on och die
Soldate van de Atlerie ¹.
On kömmert sisch nauch nävvebej
he op de Pomp öm de Pfarrej.

Sank Mäetes ² doong als Offizier
dr Mantel met si Schwert zerschnijje.
on joef dä ärme Bäddeleemann,
dä kalt hott, och e Stöck dovan.
Op Bröcke steet als Bröckeschmuck
dr Bröckehellije Nepomuk
on eß de Bröcke am bewaache,
damet se net zesaamekraache.

Me weeß jo, dat os Republik
Sank Mischael am Häze lik.
Dä kömmert sisch, su joot et jeet,
schötzt os vür Onjemaach on deet
die Bundesländer all betröjje,
die ahl jebruchde on die nöjje.
Ene Könßler hät sujaa om Maat
e Standbeld van-em aajebraat.

De Fүүrwehr, die Frejwellije,
hät och ene eeje Hellije.
Dat heesch, däm Hellije Florian
vertroue Fүүrwehrlüü sisch aan.
Dä dräät op Belder, wie bekank,
en Schäpp ³ met Wawße en de Hank.

Die Hellije send op noble Aat
em Hellijehemmel ongebraat.
Se dont va do us tröi hön Pflisch
on send bejm Wirke onge sisch.

¹ Artillerie ² Martin ³ Schöpfgefäß

Wänn ävve angere, die ohne
dr Hellijescheng em Hemmel wonne,
zesaame »Halleluja« senge
on Jott domet e Ständsche bringe,
dann send völl Hellije irritiert
on nemmi rischtisch konzentriert.
Bej su-n jeballde Lobjesäng
dö hälepe och keen decke Wäng.
Se kömmere leevere sisch im Stelle
öm Mensche, die jet van se welle.
Och komme Aaröf¹ drengend häftisch,
dann eß ene Hellije schwoe beschäftisch
met Hälepe on met Schotz jewähre,
damet sisch Mensche net beschwere.
Jedauch se reejele och dat
on blieve su schön em Jewatt².

Wer hellisch wid – of Frau, of Mann -
bestemmp alleen dr Vatikan.
On mä dr Paaps kann Hellije
met senge Sään bewellije.
»Wor och dä Mensch jenüjend fromm?«
erkundisch sisch dä Paaps en Rom.
»On hät och ens dä Kandidat
e Wonge³, wie verlank, völlbraat?«
Dat wid genau jeprüf dann van
de Jeeblischkeet em Vatikan.
Dä Paaps sprisch su-ne Mensch iesch sellisch,
e beße spödere dann hellisch.
Se krije met dä Paaps-Erlaß
och jrad 'ne Heelijescheng verpaß,
damet me se op Belder dann
als Hellije erkenne kann.
Jedauch och wänn janz consequant
dä Paaps die Hellije ernannt,
su send die sälefsverständlich jo
für alle Krestemensche dö.
Se kömmere sisch öm jede Kreß,
och wänn-e evangelisch eß.

¹ Anrufe, lies: Anrufungen ² in der Übung ³ Wunder